

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

IV. Petitio charitatis ad Spiritum S.

[urn:nbn:de:hbz:466:1-50863](#)

IV. Petitione charitatis ad Spiritum S.

O Divine Spiritus! amor incarnate &
Ignis dilectionis æternæ! ecce ego
tepidus anhelō ad te, sub Eucharistico ve-
lamine latente, ut totus accendar à te.

Diligam te Domine, amore spirituali,
quo omnia peccata odio habeam, omnes
imperfectiones fugiam, & te unicum bo-
num meum omnibus creatis anteponam.

Diligam te Domine, amore inseparabili,
quo semper in cogitatione & affectu te
præsentem habeam, donec in regno tuo
facie ad faciem te videam.

Diligam te Domine, amore infatigabili,
quo nunquam à contemplatione perfe-
ctionum tuarum, nunquam à desiderio
perfecti amoris tui, & studio bonorum
operum desistam, donec in æternitate te
inveniam.

Diligam te Domine amore inconta-
minabili, quo quidquid in mundo est
concupiscentiæ abjiciam, ut me à seculo
hoc immaculatum custodiam, donec ad
puritatem incretam perveniam.

Diligam te Domine amore dulci & in-
stabilii, quo nihil me satiet, nihil delectet.

N 2

dis

nisi Bonitas æterna , quam in omnibus
quæram, donec in cœlo apprehendam.

Diligam te Domine, amore libero, quo
hostes meos contemnam , omnia cum
summa spiritus libertate perficiam, donec
ad libertatem Filiorum Dei concendum.

Diligam te Domine, amore insuperabili,
quo nullis adversis cadam , & unum
quodammodo tecum efficiat , ac cum A-
postolo dicam : Quis me separabit à chari-
tate?

O Veni sancte Spiritus , replete tuorum
corda fidelium, & tui amoris in eis ignem
accende !

F E R I A I I .

I. Suspiria ad im petrandum Spir- itum Sanctum ejusque Dona.

O Jesu Nazarene! flos de radice Jesse,
super quem , vi unionis hypostatica
necessariò & connaturaliter requiescat
Spiritus Domini cum septem donis suis
in gradu excellentissimo; dispone me præ-
veniente gratiâ tuâ, dignumq; me effice,
ad quem divertas, tecumq; Spiritum San-
ctum adducas, qui septem sua charismata
in gradu eminente mihi communiceat.

Venias